

PAPAKILO [Hawaiian Newspapers Collection](#) [Menu](#) ▾[Translate](#)
www.hawaii.org[Ke Aloha Aina](#) / [15 June 1917](#) / [OOLEI POKA PAHU IA O LADANA E NA KELEMANIA](#)

Ke Aloha Aina, Volume XXII, Number 24, 15 June 1917 — OOLEI POKA PAHU IA O LADANA E NA KELEMANIA [ARTICLE]

[Back](#)OOLEI POKA PAHU IA O
LADANA E NA KELEMANIA

LADANA, Enelani, June 13.—

Ma ke kakahiaka nui o keia la i kaalo a'e ai kekahi auna nui o na mokulele ma ke alawai oki o na Beritania a hoolei poka pahu iho ma kekahi mau kulanakauhale ma ka Hikina o Ladana ame ke kikowae-na o Ladana. O keia kekahi o na hoolei poka pa-hu nui i ike ole ia mai ka hoomaka ana o ke kua e na mokulele i hana ia ai ai.

Ma na palena Hikina o Ladana kahi manoanoa o na poka pahu i helelei iho, he 49 mau ola i make a he 200 i hoehaia a me he mea la ua oi aku no ka mea ke komo mai nei no na hoike. O ke kolu keia o

ka puwa ia ana o ke kulanakauhale o Ladana, ua hiki aku ka loibi i ka 15 minute. I ka loa ana o ka ike i na poe lele mokulele o Beritania, ua eleu a'e la lakou maluna o ko lakou mau mokulele, a lele aku la no ka lewa maluna a'e o ke kulanakauhale, me ka lawe pu ana i na poe ki pu pololei no ka lele kua ana aku i ka enemi. O ka hopena o keia lele ana ma ka lewa, aole i maopopo i keia manawa. Ua lele aku na moku lele nunui o Enelani me ka puahia nui.

Mai loko mai o na poe i eha he 10 mau kamalii i make a he 50 mau keiki i eha i hoihoi ia aku no ka haukapila no ka lapaau ana ia lakou.

O ke kumu i eha ai o keia mau kamalii, he hale kula ma kahi kokoke o na poka pa-hu o ke haule ana iho.

O ka poka pa-hu mua i haule iho ma ka Hikina o Ladana ma ka hora 11:30 no ia o keia kakahiaka. He hookahi poka pa-hu o ka haule ana iho ma kahi hoolulu kaa-ahi, oia i ke kaa-ahi e holo aku ana.

Ma keia wahi he ehiku mau ola

i make ame 17 i boehaia.
He nui a lehulehu na hale aka-
na i hoopoino ia a pau i ka a ia
e ke ahi mehuu i ka poka pa-ha.

This article has been automatically clipped from the Ke Aloha Aina 15 June 1917, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).
